

Broj: 01-11-11-6443/21
Sarajevo, 02.12.2021. godine

Na osnovu člana 70. stav (1), (4) i (6) Zakona o javnim nabavkama Bosne i Hercegovine («Službeni glasnik BiH», broj 39/14), federalna ministrica kulture i sporta donosi

ODLUKU o poništenju postupka nabavke

I.

Poništava se postupak javne nabavke sportske opreme za Projekat Evropska sedmica sporta, Obavještenje o nabavci, broj: 1232-7-1-14-3-4/21 od 07.10.2021. godine i Ispravka za obavještenje o nabavci broj: 1232-71-14-8-6/21 od 16.11.2021. godine, iz razloga što nijedna od primljenih ponuda nije prihvatljiva.

II.

Ova Odluka objavit će se na web stranici www.fmks.gov.ba u skladu sa članom 70. stav 6. Zakona o javnim nabavkama BiH.

III.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka broj: 01-11-11-5531/21 od 24.09.2021.godine pokrenut je Konkurentski postupak javne nabavke, Obavještenje o nabavci broj: 1232-7-1-14-3-4/21 od 07.10.2021. godine i Ispravka za obavještenje o nabavci broj: 1232-71-14-8-6/21 od 16.11.2021. godine.

Krajnji rok za dostavljanje ponuda je bio 21.10.2021. godine do 15.00 sati, kada nije izvršeno otvaranje ponuda zbog uložene žalbe na tendersku dokumentaciju. Ured za razmatranje žalbi je donio Zaključak broj: JN2-03-07-1-2874-6/21 od 4.11.2021. godine, kojim se odbacuje podnesena žalba, nakon čega je donesena Odluka o nastavku postupka javne nabavke sportske opreme, broj: 06-11-11-6170/21 od 16.11.2021. godine i produžen rok za dostavljanje ponuda do 18.11.2021. godine do 15.00 sati.

Stalna komisija za provođenje postupaka javne nabavke u 2021. godini, imenovana Rješenjem broj:01-11-5-646/21 od 04.02.2021.godine, je dana 18.11.2021. godine u 16.15 sati izvršila otvaranje ponuda i sačinila Zapisnik o otvaranju ponuda, koji je

dostavljen ponuđačima. Dana 30.11.2021. godine održan je sastanak Komisije, radi utvrđivanja formalno-pravne ispravnosti pristiglih ponuda, na kojem je utvrđeno da su obje pristigle ponude neprihvatljive.

Ponuda ponuđača „MIGROS“ d.o.o. Sarajevo, ocijenjena je kao neprihvatljiva, iz razloga što je ponuđač dostavio kopiju bilansa uspjeha za 2019. godinu, a tenderskom dokumentacijom je tražena kopija bilansa uspjeha za 2020. godinu.

Ponuda ponuđača „EURO-BICCO“ d.o.o. Sarajevo, ocijenjena je kao neprihvatljiva, iz razloga što prema Izvještaju o preuzimanju tenderske dokumentacije od strane ponuđača, navedeni ponuđač nije preuzeo tendersku dokumentaciju putem e- portala.

Na osnovu člana 69. stav (2) tačka d) Zakona o javnim nabavkama BiH, Komisija je dala preporuku za donošenje odluke o poništenju postupka javne nabavke sportske opreme, iz razloga što nijedna od primljenih ponuda nije prihvatljiva.

Iz navedenih razloga prihvaćena je preporuka Komisije, te je odlučeno kao u dispozitivu ove Odluke.

Pouka o pravnom lijeku: Protiv ove odluke dozvoljena je žalba u pisanoj formi u roku od pet dana, računajući od dana kada je ponuđač primio ovu odluku. Žalba se izjavljuje ugovornom organu - Federalnom ministarstvu kulture i sporta, u skladu sa čl. 99. i 101. Zakona o javnim nabavkama, u dovoljnom broju primjeraka koji ne može biti manji od tri.



Dostaviti:

- Učesnicima u postupku javne nabavke
- Sektoru za ekonomsko-finansijske, pravne i opće poslove
- Web stranica Ministarstva
- a/a